



O Observatorio Astronómico Ramón María Aller da Universidade de Santiago de Compostela foi fundado en 1943 polo Dr. D. Ramón María Aller Ulloa como continuación do Observatorio particular que tiña en Lalín (Pontevedra).

Dende entón, as súas investigacións deron lugar a numerosas publicacións científicas recollidas tanto en revistas internacionais como españolas.

Da súa actual instrumentación destaca o refractor doado polo fundador, así como a cámara de interferometría speckle e o fotómetro de ocultacións. En 2003 foi instalado un telescopio de 62 cms. de apertura.

O Observatorio, dado o seu carácter universitario, leva a cabo unha intensa labor docente xa que nel efectuan as prácticas os alumnos da Universidade que cursan asignaturas de Astronomía.

Alumnado de 5 anos. 12 de maio.



É un ciclo divulgativo musical organizado pola Escola Municipal de Música de Santiago co que se pretende achegar o mundo da música aos máis novos. As sesións realizanse nos propios centros de ensino a cargo dunha agrupación de profesores da propia Escola de Música.

Alumnado de 1º. 6 de maio

## MUSEO DE HISTORIA NATURAL

FACULTADE DE CIENCIAS. CAMPUS SUR. USC

Ten a súa orixe no século XIX, cando no curso 1840-41 se crea cátedra de Historia Natural e, asociada a ela, o Gabinete de Historia Natural que tiña como principal finalidade a docencia práctica.

O seu primeiro director, Antonio Casares Rodríguez, foi quien iniciou o desenvolvimento deste gabinete, coa recompilación de material existente na universidade, a creación dun herbario e a recepción de exemplares de minerais doados por profesores e particulares.

A principios do século XX, inicianse novas melloras e no ano 1906 o vello gabinete pasa á categoría de Museo de Historia Natural. Este museo chegou a ocupar dúas plantas do antigo edificio da Universidade, hoxe facultade de Xeografía e Historia.

No ano 1961 foi trasladado á antiga Facultade de Ciencias, hoxe Facultade de Química, onde permanece na actualidade ocupando parte da planta inferior.

Actualmente este museo constitúe o conxunto de patrimonio histórico-científico máis importante de Galicia, xa que, entre as coleccións que alberga, destacan as resultantes dos traballos de investigación dos máis importantes naturalistas e científicos galegos dos séculos XIX, XX e da actualidade.

- Día 13 de maio. Alumnado de 1º de EP.
- Día 6 de xuño. Alumnado de 3 anos.

